



340 Sjúkra- og slysatrygging

VÁTRYGGINGARSKILMÁLAR

SAMEIGINLEG ÁKVÆÐI.

1. Lög um váttryggingarsamninga og hugtök.

- 1.1 Að öðru leyti en kveðið er á um í skilmálum þessum, váttryggingarskírteini eða öðrum gögnum, sem váttryggingarsamningurinn byggir á, gilda um hann lög um váttryggingarsamninga nr. (númer) 30/2004.
- 1.2 Í váttryggingarskilmálum þessum eru hugtökin félagið (Tryggingamiðstöðin hf.), váttryggingartaki og váttryggður notuð í sömu merkingu og í II. hluta laga um váttryggingarsamninga, sbr. (samanber) 62. gr. (grein) laganna.

2. Gildistími, uppsögn og greiðsla iðgjalds.

- 2.1 Váttryggingin gildir fyrir það tímabil sem tilgreint er í váttryggingarskírteini eða iðgjaldskvittun. Þegar tímabilinu lýkur framlengist váttryggingin um eitt ár í senn nema váttryggingartaki hafi sagt henni upp innan mánaðar frá því að félagið sendi tilkynningu um gjalddaga hins nýja tímabils skv. (samkvæmt) 3. mgr. (málgrein). Ekki er þó skylt að tilkynna uppsögn fyrr en tvær vikur eru til loka tímabilsins.
- 2.2 Nú hefur váttryggingaratburður orðið, sem leitt hefur til alvarlegs trúnaðarbrests milli félagsins og váttryggingartaka, eða áhættumat, sem er til grundvallar váttryggingunni og iðgjald miðast við, hefur gerbreyst, er félaginu þá heimilt að segja tryggingunni upp með tveggja mánaða fyrirvara. Verði þrjú bótaskyld tjón á 18 mánaða tímabili hefur félagið rétt til þess að segja váttryggingunni upp. Skrifleg uppsögn skal fara fram án ástæðulauss dráttar eftir að félaginu varð kunnugt um atvik sem veita því rétt til uppsagnar. Félaginu er skylt að endurgreiða hlutfallslega iðgjald fyrir þann tíma sem eftir er af váttryggingartímabilinu.
- 2.3 Greiða skal fyrsta iðgjald þegar váttryggingin gengur í gildi og síðari iðgjöld á tilgreindum gjalddögum. Félagið sendir váttryggingartaka tilkynningu um greiðslu iðgjaldsins. Í tilkynningunni skal greiðslufrestur tilgreindur sérstaklega sem skal vera einn mánuður hið skemmsta frá þeim degi sem tilkynningin er send.
- 2.4 Sé iðgjald ekki greitt þegar greiðslufresti lýkur skv. 3. mgr. er félaginu heimilt að senda sérstaka aðvörun þar sem greiðslu er krafist innan 14 daga ella fellur váttryggingin niður sé iðgjaldið þá enn ógreitt.
- 2.5 Hafi váttryggingartaki ekki samið sérstaklega við félagið um greiðslu iðgjaldsins áður en frestur skv. 4. mgr. rennur út telst það ógreitt, ef það er ekki að fullu greitt þegar fresturinn er úti.
- 2.6 Krafa um greiðslu iðgjalds er send á heimilisfang váttryggingartaka sem tilgreint er í þjóðskrá nema hann hafi tilgreint annað heimilisfang sérstaklega. Breytingar á tilgreindu heimilisfangi skal þegar í stað tilkynna félaginu.
- 2.7 Falli váttrygging niður skv. 4. mgr. skal váttryggingartaki engu að síður greiða iðgjald fyrir það tímabil sem váttryggingin var í gildi. Reiknast þá iðgjaldið sem um skammtímatryggingu hafi verið að ræða.
- 2.8 Váttrygging til skemmri tíma en árs endurnýjast ekki nema eftir umsókn.
- 2.9 Uppsögn skal vera skrifleg.
- 2.10 Við innheimtu iðgjalds er félaginu heimilt að innheimta sérstakt gjald, sem nánar skal tilgreint í iðgjaldaskrá til að standa straum af kostnaði við innheimtu iðgjaldsins. Þess skal einnig getið sérstaklega í tilkynningu um greiðslu iðgjaldsins.

3. Hvar váttryggingin gildir.

- 3.1 Váttryggingin gildir hvar sem er í heiminum, sbr. þó 5. gr.

4. Aldurstakmörk.

- 4.1 Váttryggingin gildir einungis í eitt ár frá fyrsta gjalddaga eftir að sá sem tryggður er hefur náð 64 ára aldri, nema öðruvísi sé ákveðið í skírteininu.
- 4.2 Félagið váttryggir ekki börn yngri en 16 ára gegn tímabundnum missi starfsorku og ekki fyrir hærrí dánarbótum en sem nemur venjulegum útfararkostnaði.

5. Áhættubreyting.

- 5.1 Iðgjald fyrir váttrygginguna tekur m.a. (meðal annars) mið af starfi váttryggðs eins og það er tilgreint í váttryggingarskírteini eða iðgjaldskvittun og að hann dveljist ekki erlendis í meira en hálf t. ár í senn. Verði



340 Sjúkra- og slysatrygging

VÁTRYGGINGARSKILMÁLAR

breytingar á aðstæðum váttryggðs að þessu leyti eða öðrum aðstæðum, sem tilgreindar eru í váttryggingarskírteini eða iðgjaldskvittun og iðgjaldið tekur mið af, ber honum að tilkynna það til félagsins þegar í stað. Hefur félagið rétt til að hækka iðgjaldið frá þeim tíma er áhættubreytingin varð.

- 5.2 Hafi félaginu ekki borist tilkynning samkvæmt 1. mgr. í síðasta lagi við greiðslu fyrsta iðgjalds eftir breytinguna og leiði vanrækslan til þess að iðgjaldið verður ekki hækkað, lækkar ábyrgð félagsins hlutfallslega fyrir sérhvert váttryggingartilvik.

6. Svik og rangar upplýsingar.

- 6.1 Hafi váttryggingartaki eða váttryggður við gerð eða endurnýjun váttryggingarsamnings sviksamlega eða með öðrum hætti vanrækt skyldu sína til að veita félaginu upplýsingar um atvik sem haft geta þýðingu fyrir mat þess á áhættunni og váttryggingaratburður hefur orðið fellur ábyrgð félagsins niður í heild eða að hluta, sbr. 83. gr. váttryggingarsamningalaga. Rangar og ófullnægjandi upplýsingar veita félaginu enn fremur rétt til að segja váttryggingunni upp, sbr. 84. gr. laganna.
- 6.2 Veiti sá er hyggst krefja félagið bóta rangar upplýsingar sem hann veit eða má vita að leiða til þess að hann fær greiddar bætur sem hann á ekki rétt til fellur bótaréttur hans niður og félagið getur sagt upp öllum váttryggingarsamningum sínum við váttryggðan eins og nánar greinir í 120. gr. váttryggingarsamningalaga.

7. Takmarkanir á bótaskyldu.

- 7.1 Félagið bætir ekki:
- slys eða sjúkdóma sem beint eða óbeint eru af völdum kjarnabreytinga, jónandi geislunar, mengunar af geislavirkum efnum, kjarnaeldsneytis og kjarnaúrgangsefnis eða af völdum styrjaldar, innrásar, hernaðaraðgerða, borgararósta, uppreisnar, uppbots eða svipaðra aðgerða,
 - slys eða sjúkdóma sem beint eða óbeint eru af völdum jarðskjálfta, eldgoss, flóða, skriðufalla, snjóflóða eða annarra náttúruhamfara,
 - slysa eða sjúkdóma er váttryggður verður fyrir í handalögmáli eða við þátttöku í refsiverðum verknaði,
 - slys eða sjúkdóma sem verða vegna ljósbaða, lækningameðferðar, skurðaðgerðar eða lyfjanotkunar, nema það sé að læknisráði vegna bótaskylds slyss eða sjúkdóms,
 - slys eða sjúkdóma sem orsakast af matareitrun, drykkjareitrun eða neyslu nautnalyfja,
 - slys vegna eitraðra lofttegunda, nema það hafi orðið skyndilega og án vilja þess sem tryggður er,
 - slys vegna hvers konar líffræðilegra eða efnafræðilegra áhrifa og/eða eitrunar, þ.m.t. (þar með talið) vegna sýkla og veira, af völdum hryðjuverka,
 - hvers konar tjón, beint eða óbeint, sem rekja má til asbests.
- 7.2 Valdi váttryggður váttryggingaratburði af ásetningi eða stórkostlegu gáleysi fer um ábyrgð félagsins eftir því sem segir í 89. og 90. gr. laga um váttryggingarsamninga.

8. Ráðstafanir vegna slysa eða sjúkdóma.

- 8.1 Váttryggður skal leita læknis strax eftir að slys eða sjúkdóm hefur borið að höndum, gangast undir nauðsynlegar lækniáðgerðir og fara í öllu að fyrirmælum læknis.
- 8.2 Tilkynna skal slys og sjúkdóma þegar í stað á þar til gerðum eyðublöðum félagsins, ef unnt er, annars á annan hátt til bráðabirgða.
- 8.3 Valdi slys eða sjúkdómur dauða, skal tilkynna félaginu það eins fljótt og auðið er.
- 8.4 Félagið hefur rétt til þess að láta fara fram krufningu á líki hins látna.
- 8.5 Þegar sjúkdóm eða slys ber að höndum er félaginu heimilt að láta trúnaðarlækni sinn skoða váttryggðan, svo og afla sér upplýsinga um fyrra heilsufar hans.
- 8.6 Þegar læknishjálp lýkur eða þegar unnt er að dæma um afleiðingar slyssins eða sjúkdómsins skal senda félaginu læknisvottorð og bótakröfu.
- 8.7 Félagið greiðir nauðsynleg læknisvottorð.

9. Greiðsla bóta og vextir.

- 9.1 Krefjast má greiðslu bóta 14 dögum eftir að félagið átti þess kost að afla þeirra gagna sem þörf var á til að meta váttryggingaratburðinn og ákveða fjárhæð bóta. Váttryggður á rétt á vöxtum af kröfu sinni skv. 123. gr. váttryggingarsamningalaga.



340 Sjúkra- og slysatrygging

VÁTRYGGINGARSKILMÁLAR

10. Meðferð ágreiningsmála.

- 10.1 Verði ágreiningur um váttrygginguna skal íslenskur dómstóll skera úr honum skv. íslenskum lögum, nema annað leiði af þjóðréttarsamningum sem Ísland er bundið af.
- 10.2 Ágreiningi varðandi váttryggingarsamning og bótaskyldu félagsins að öðru leyti má skjóta til úrskurðarnefndar í váttryggingamálum. Upplýsingar um nefndina og starfshætti hennar má fá hjá félaginu.
- 10.3 Þrátt fyrir úrræði skv. 2. mgr. er aðilum heimilt að leggja ágreininginn fyrir dómstóla.

11. Fyrning.

- 11.1 Kröfur sem falla undir váttryggingu þessa fyrnast samkvæmt ákvæðum laga um váttryggingasamninga og eftir atvikum laga nr. 150/2007 um fyrningu kröfuréttinda.

12. Vísitölubinding váttryggingarfjárhæða og iðgjalds.

- 12.1 Váttryggingarfjárhæðir þær sem greindar eru í skírteini eða endurnýjunarkvittun breytast fyrsta dag hvers mánaðar í réttu hlutfalli við vísitölu neysluverðs til verðtryggingar miðað við grunnvísitölu þá sem greind er í skírteini eða endurnýjunarkvittun. Ef iðgjald greiðist á fleiri gjalddögum en einum skal iðgjald á öðrum og síðari gjalddögum breytast á sama hátt í hlutfalli við vísitöluna.

13. Vísitölubinding bótafjárhæða.

- 13.1 Bótafjárhæðir reiknast á grundvelli váttryggingarfjárhæða á slysdegi eða upphafsdegi sjúkratímabils en breytast með vísitölu neysluverðs til verðtryggingar eins og nánar greinir í 2.-4. mgr.
- 13.2 Dánarbætur breytast í réttu hlutfalli við breytingu vísitölnunnar frá slysdegi til dánardags.
- 13.3 Örorkubætur breytast í réttu hlutfalli við breytingu vísitölnunnar frá slysdegi eða upphafsdegi sjúkratímabils til uppgjörsdags. Vísitölubinding örorkubóta varir þó aldrei lengur en í þrjú ár frá slysdegi eða upphafsdegi sjúkratímabils.
- 13.4 Dagpeningar breytast á hverjum tíma í réttu hlutfalli við breytingu vísitölnunnar frá slysdegi eða upphafsdegi sjúkratímabils.

14. Breyting á vísitölugrundvelli.

- 14.1 Verði breyting á grundvelli vísitölu neysluverðs til verðtryggingar skal fara að fyrirmælum Hagstofu Íslands um tengingu vísitölu skv. nýjum grundvelli við vísitölu skv. eldri grundvelli.

15. Heimili og varnarþing.

- 15.1 Heimili félagsins og varnarþing er í Reykjavík. Ágreiningsmál vegna bótaskyldu félagsins svo og önnur mál sem rísa út af váttryggingu þessari, skulu rekin fyrir Héraðsdómi Reykjavíkur. Félaginu er þó einnig heimilt að höfða mál út af váttryggingunni á heimilisvarnarþingi váttryggingartaka.

SLYSATRYGGING.

16. Váttryggingarsvið.

- 16.1 Félagið greiðir bætur vegna slyss sem váttryggður verður fyrir eins og segir í váttryggingarskírteini eða iðgjaldskvittun og skilmálum þessum.
- 16.2 Með orðinu „slys“ er hér átt við skyndilegan utanaðkomandi atburð sem veldur meiðslum á líkama váttryggðs og gerist án vilja hans.

17. Takmarkanir á bótaskyldu vegna sjúkdóma o.fl. (og fleira).

- 17.1 Ef sjúkdómar, veiklun eða sjúklegt ástand váttryggðs eru meðorsakir dauða hans, greiðast engar dánarbætur. Þetta gildir, hvort sem ástand þetta var til staðar þegar slysið varð eða skapaðist síðar án þess þó að vera beinlínis og einungis afleiðing af slysi sem váttryggingin nær til.
- 17.2 Félagið bætir ekki slys sem beint eða óbeint orsakast af sjóndepru, heyrnardeyfu, lömum, bæklun,



340 Sjúkra- og slysatrygging

VÁTRYGGINGARSKILMÁLAR

flogaveiki, krampa, slagi, sykursýki eða öðrum alvarlegum sjúkdómum eða veiklun. Þá bætir félagið ekki tjón af völdum sýkingar af skordýrsbiti eða -stungu.

- 17.3 Hafi ástæður, sem greinir í 2. mgr., verið þess meðvaldandi að váttryggður missir starfsorku sína um stundarsakir eða varanlega, er einungis greitt fyrir þann starfsorkumissi sem ætla má að hann hefði orðið fyrir ef þessar ástæður hefðu ekki komið til.
- 17.4 Jafnvel þótt slys verði talin sönnuð orsök greiðir félagið ekki bætur vegna eftirfarandi sjúkdóma eða sjúklegs ástands: Brjós-kloss, þursabits (lumbago ischias), liðagigtar, slitgigtar eða hvers konar annarra gigtarsjúkdóma.

18 Íþróttir, flugferðir o.fl.

- 18.1 Váttryggingin nær til slysa er verða við almennar íþróttaiðkanir. Undanskilin eru þó slys sem verða í keppni eða við æfingar til undirbúnings fyrir keppni í hvers konar íþróttum. Einnig eru undanskilin slys er verða í hnefaleikum, hvers konar glímu, akstursíþróttum, drekaflugi, sviffugi, fallhlífarstökki og teygjustökki.
- 18.2 Félagið bætir ekki slys sem verða í flugi nema váttryggður sé farþegi í áætlunar- eða leiguflugi á vegum aðila sem hefur tilskilin leyfi hlutaðeigandi flugmálayfirvalda.
- 18.3 Félagið bætir ekki slys sem verða í fjallaklifri, bjargsigi og froskköfun.
- 18.4 Sumar af áhættum þeim, sem undanskildar eru í 1., 2. og 3. mgr., er þó unnt að innifela í váttryggingunni með áritun á skírteinið.

19. Dánarbætur.

- 19.1 Valdi slys dauða váttryggðs innan eins árs frá slysdegi, greiðist upphæð sú sem var í gildi á slysdegi, sbr. 12. og 13. gr., að frádregnum bótum fyrir varanlegt líkamstjón sem félagið kann að hafa greitt vegna sama slyss.
- 19.2 Dánarbætur greiðast því aðeins að slysið sé bein og eina orsök þess að váttryggður deyr.

20. Bætur fyrir varanlegt líkamstjón.

- 20.1 Valdi slys váttryggðum varanlegu líkamstjóni innan þriggja ára frá því að slysið varð, greiðast örorkubætur á grundvelli þeirrar upphæðar sem var í gildi á slysdegi, sbr. 12. og 13. gr.
- 20.2 Örorku skal meta í hundradshlutum samkvæmt töflum Örorkunefndar um miskastig sem í gildi eru þegar örorkumat fer fram. Meta skal skerðingu á líkamlegri færni án tillits til starfs, sérstakra hæfileika eða þjóðfélagsstöðu hins slasaða. Sé áverka hins slasaða ekki getið í töflum Örorkunefndar um miskastig skal meta hann sérstaklega með hliðsjón af töflunum. Örorka getur aldrei talist meiri en 100%.
- 20.3 Vegna 100% örorku greiðist öll váttryggingarfjárhæðin, en við minni örorku hlutfallslega.
- 20.4 Við ákvörðun örorkubóta skal að auki fylgja eftirfarandi reglum:
- Missir eða bæklun á útlím eða líffæri, sem var ónothæft fyrir slysið, gefur ekki rétt til örorkubóta. Vegna missis eða bæklunar á útlím eða líffæri, sem áður var bæklað, skal meta örorku með hliðsjón af bækluninni fyrir slysið.
 - Örorkan ákveðst í fyrsta lagi einu ári eftir slysið með hliðsjón af ástandi slasaða þá. Telji slasaði eða félagið að örorkan geti breyst, getur hvor aðili um sig krafist þess að endanlegu örorkumati verði frestað, þó ekki lengur en í þrjú ár frá slysdegi.
 - Þótt gera megi ráð fyrir að ástand hins slasaða kunnist að breytast skal undantekningarlaust framkvæma örorkumat í síðasta lagi þremur árum eftir slysið. Í þessu tilfalli ber að ákveða örorkuna eins og gera má ráð fyrir að hún verði endanleg. Ef líkur eru til að ástand hins slasaða megi bæta með lækni meðferð eða þjálfun og hann veigrar sér við án gildra ástæðna að gangast undir slíka meðferð, ber samt sem áður við ákvörðun miskastigs að taka tillit til hugsanlegs bata sem slík meðferð kynnir að hafa í för með sér.
 - Ef hinn slasaði deyr eftir að meira en ár er liðið frá slysdegi, en áður en endanlegt örorkumat hefur farið fram, greiðast bætur samkvæmt bráðabirgðaörorkumati sbr. b) og c) lið.
 - Slys sem einungis valda lýti eru ekki bótaskyld.

21. Bætur fyrir tímabundinn missi starfsorku – dagpeningar.

- 21.1 Valdi slys tímabundnum missi starfsorku greiðir félagið dagpeninga þá sem í gildi voru á slysdegi og síðan



340 Sjúkra- og slysatrygging

VÁTRYGGINGARSKILMÁLAR

á hverjum tíma meðan starfsorkumissirinn varir, sbr. 12 og 13. gr.

- 21.2 Dagpeningarnir greiðast í hlutfalli við starfsorkumissinn frá þeim degi sem ákveðinn er í skírteininu og þar til slasaði hefur endurheimt starfsorku sína, þó eigi lengur en í þann hámarksbótatíma sem skírteinið ákveður og eigi fyrir tímabil að loknum þremur árum frá slysdegi.
- 21.3 Stafi starfsorkumissir slasaða að einhverju leyti af öðrum orsökum en slysinu lækka dagpeningar í beinu hlutfalli við það hvern þátt þessar orsakir eiga í missi starfsorkunnar. Félagið ákveður hve mikill starfsorkumissirinn hefur verið og varanleika hans á grundvelli nauðsynlegra læknisvottorða og annarra gagna sem fyrir liggja.
- 21.4 Bætur eru ekki greiddar samtímis fyrir starfsorkumissi af völdum slyss og sjúkdóms.

22. Bætur vegna tannbrots.

- 22.1 Félagið greiðir viðgerðir á heilbrigðum og vel viðgerðum tönnum sem brotna eða laskast við slys. Greiðsla félagsins takmarkast þó við 5% af örorkutryggingarupphæðinni vegna hvers slyss og samanlagðar greiðslur vegna slysa á einu vátryggingarári við 7½% af sömu upphæð.
- 22.2 Félagið bætir þó ekki brot á tönnum sem ber að höndum þegar vátryggður matast. Þá bætist ekki tjón svo sem vegna brota á tönnum við vinnuslys eða vegna annarra atvika að því marki sem það bætist af opinberum tryggingastofnunum samkvæmt lögum um almannatryggingar og reglugerðum um þátttöku hins opinbera í kostnaði við tannlækningar.

SJÚKRATRYGGING.

23. Vátryggingarsvið.

- 23.1 Félagið greiðir bætur við starfsorkumissi af völdum sjúkdóms er vátryggður verður fyrir á annan hátt en við slys.
- 23.2 Sjúkratímabil er það tímabil þegar stöðugur missir starfsorku er fyrir hendi af völdum sjúkdóms, hvort sem einn sjúkdómur eða fleiri liggja til grundvallar missi starfsorkunnar. Bætur fyrir tímabil, þegar um einangrun í sóttkví er að ræða, á heimili eða á sjúkrahúsi að fyrirmælum heilbrigðisyfirvalda, greiðast á sama hátt og við sjúkdóm.
- 23.3 Vátryggingin bætir ekki starfsorkumissi sem kona verður fyrir á meðgöngutíma, við fæðingu eða fósturlát, nema því aðeins að missir starfsorkunnar sé af völdum fylgikvilla. Í slíkum tilfellum er biðtími dagpeninga eigi skemmri en einn mánuður.
- 23.4 Með biðtíma er átt við það sjúkratímabil sem samkvæmt skírteininu á að líða áður en bótagreiðslur hefjast.

24. Undanskildar áhættur.

- 24.1 Vátryggingin nær ekki til:
 - a. sjúkdóms sem fyrst hafði sýnt einkenni áður en vátryggingin gekk í gildi, nema að félagið hafi vitað um sjúkdóminn við gildistöku og veitt vátrygginguna þrátt fyrir það,
 - b. sjúkdóms sem fyrst sýndi einkenni á tímabili þegar vátryggingin var úr gildi, nema félagið hafi vitað um sjúkdóminn þegar vátryggingin tók gildi að nýju,
 - c. versnandi heilsufars sem rekja má til þess tímabils er vátryggingin var úr gildi og félagið vissi ekki um þegar vátryggingin tók gildi að nýju,
 - d. sjúkdóms sem orsakast hefur af notkun áfengis, deyfi- og/eða eiturfylfa.

25. Bætur fyrir varanlega örorku.

- 25.1 Valdi sjúkdómur vátryggðum varanlegri læknisfræðilegri örorku (varanlegum miska), greiðast bætur á grundvelli þeirrar upphæðar sem í gildi var við upphaf sjúkratímabilsins, sbr. 12. og 13. gr.
- 25.2 Vegna algerrar örorku greiðist öll vátryggingarupphæðin en hlutfallslega við minni örorku. Ekki greiðast bætur fyrir varanlega læknisfræðilega örorku ef hún er metin lægri en 25%.
- 25.3 Örorkubætur eru ekki greiddar ef sjúkratímabil hófst eftir að vátrygging féll úr gildi.
- 25.4 Við ákvörðun á varanlegri læknisfræðilegri örorku skal fylgt eftirfarandi reglum:
 - a) Ekki skal taka tillit til starfs þess sem tryggður er, sérstakra hæfileika hans né þjóðfélagsstöðu. Við



340 Sjúkra- og slysatrygging

VÁTRYGGINGARSKILMÁLAR

matið skal að öðru leyti hafa til hliðsjónar miskatöflur örorkunefndar, sbr. 3. mgr. 10. gr. skaðabótalaga nr. 50/1993 með síðari breytingum, eða eftir atvikum aðrar sambærilegar viðurkenndar töflur um miskastig.

- b) Örorkan ákveðst í fyrsta lagi einu ári eftir upphaf bótaskylds sjúkratímabils og eigi síðar en þegar greiðslum dagpeninga lýkur, sbr. 26. gr., með hliðsjón af ástandi hins sjúka þá. Telji váttryggður eða félagið að örorkan geti breyst, getur hvor aðili um sig krafist þess að endanlegu örorkumati verði frestað, þó eigi lengur en þrjú ár frá upphafi seinasta sjúkratímabils.
- c) Þótt gera megi ráð fyrir að ástand hins sjúka kunni að breytast skal framkvæma örorkumat í síðasta lagi þremur árum eftir upphaf seinasta sjúkratímabils og ber þá að ákveða örorkuna eins og gera má ráð fyrir að hún verði endanleg. Ef líkur eru til að ástand hins sjúka megi bæta með skurðaðgerðum eða öðrum slíkum aðgerðum og hann veigrar sér við án gilda ástæðna að gangast undir slíkar aðgerðir, ber samt sem áður við ákvörðun örorku að taka tillit til hugsanlegs bata sem slíkar aðgerðir kynnu að hafa í för með sér.

26. Bætur fyrir tímabundinn missi starfsorku – dagpeningar.

- 26.1 Valdi sjúkdómur váttryggðum tímabundnum missi starfsorku, er nemur 50% eða meira, greiðir félagið dagpeninga þá sem í gildi voru við upphaf sjúkratímabilsins og síðan á hverjum tíma meðan starfsorkumissirinn varir, sbr. 12. og 13. gr., frá og með þeim degi sem ákveðinn er í skírteininu.
- 26.2 Við 100% starfsorkumissi greiðast dagpeningar að fullu en við minni starfsorkumissi, 50% eða meiri, sami hundraðshluti af þeim og starfsorkumissirinn er metinn. Félagið ákveður hve mikill starfsorkumissirinn hefur verið og varanleika hans á grundvelli læknisvottorða og annarra gagna sem fyrir liggja.
- 26.3 Bætur fyrir sama sjúkdóm eða sama sjúkdómstilfelli greiðast eigi lengur samanlagt en í það tímabil sem skírteinið kveður á um. Sama gildir um sjúkdóma þar sem tengsl eru á milli læknisfræðilega séð.
- 26.4 Þegar skemmra er á milli sjúkdómstilfella en sem nemur tímabili er að lengd jafngildir því hámarki bótatímabils sem skírteinið ákveður gildir sú regla að sjúkratímabilin eru lögð saman og bætur eru ekki greiddar lengur samanlagt en í þann árafjölda sem kveðið er á um í skírteininu. Þegar nýtt sjúkratímabil hefst innan tólf mánaða frá því að sjúkratímabili lauk styttest biðtíminn um samanlagða lengd sjúkratímabila sem voru lengri en 7 dagar og féllu í heild eða að hluta innan þessara tólf mánaða. Fyrir hið nýja sjúkratímabil gildir þó minnst 7 daga biðtími sé ekki missir starfsorku augljóslega bein afleiðing af fyrri sjúkdómi.
- 26.5 Þegar váttrygging er tekin ber að miða bótaupphæð við þann tekjumissi er váttryggður mundi verða fyrir vegna sjúkdómsins. Til tekna teljast í þessu sambandi hverjar þær bætur og greiðslur er váttryggður á rétt á annars staðar frá á bótatímabilinu.
- 26.6 Bætur eru ekki greiddar samtímis fyrir starfsorkumissi af völdum slyss og sjúkdóms.
- 26.7 Bætur eru ekki greiddar fyrir sjúkratímabil sem hófst eftir að váttrygging féll úr gildi.

Skráning í tjonagrunn Creditinfo Lánstrausts hf.

Tjón sem tilkynnt eru til váttryggingafélaga eru skráð í sérstakan tjonagrunn sem rekinn er af Creditinfo Lánstrausts hf. samkvæmt samningi við Samtök fjármálafyrirtækja (SFF) sem félagið á aðild að og samkvæmt heimild Persónuverndar. Félagið telst ábyrgðaraðili í skilningi persónuverndarlaga nr. 90/2018 vegna skráningar þess á upplýsingum í grunninn og uppflettingum sem framkvæmdar eru á vegum þess. Tilgangur með skráningu í tjonagrunninn er að stemma stigu við váttryggingarsvikum og ofgreiðslu váttryggingabóta. Skráðar eru upplýsingar um kennitölu tjonþola, tjónsnúmer, tegund váttryggingar og tjóns, dagsetning tjóns og skráningar, staðsetning tjóns og eftir atvikum einkvæmt númer hins váttryggða, s.s. skráningarnúmer ökutækis. Við skráningu tjóns fær félagið yfirlit yfir öll tjón sem tjonþoli hefur tilkynnt óháð félagi og skráð hafa verið í tjonagrunninn. Eingöngu starfsmenn félagsins sem skrá tjón og vinna að tjonauppgjöri hafa aðgang að tjonagrunninum. Upplýsingum skal eytt úr tjonagrunni þegar þeirra gerist ekki lengur þörf í þágu tilgangs vinnslunnar, í síðasta lagi þegar 10 ár eru frá skráningu upplýsinganna.

Skilmálar þessir gilda frá 15. janúar 2019



340 Sjúkra- og slysatrygging

VÁTRYGGINGARSKILMÁLAR

SKILDAGAR

Eftirfarandi skildagar gilda, ef þeirra er getið á skírteini eða iðgjaldskvittun.

Nr. 1. Íþróttahætta.

Vátrygging þessi nær til slysa sem verða í keppni eða við æfingar til undirbúnings fyrir keppni í hvers konar íþróttum. Þó eru undanskilin slys er verða í fjallaklifri, bjargsigi, hnefaleikum, hvers konar glímu, akstursíþróttum, svifflugi, drekaflugi, fallhlífarstökki, froskköfun og teygjustökki.

Nr. 2. Hrein atvinnuslysatrygging.

Vátryggingin nær eingöngu til slysa sem hinn vátryggði verður fyrir í starfi hjá vátryggingartaka (atvinnuslys).

Nr. 3. Hrein atvinnuslysatrygging með ferðum til og frá vinnu.

Vátryggingin nær eingöngu til slysa sem hinn vátryggði verður fyrir í starfi hjá vátryggingartaka(atvinnuslys) og á beinni leið frá heimili til vinnustaðar og frá vinnustað til heimilis.

Nr. 4. Frítímatrygging.

Vátrygging þessi nær ekki til slysa sem hinn vátryggði verður fyrir í starfi, hvort sem um er að ræða launað starf eða arðbært starf í eigin þágu sem atvinnuslyshætta fylgir.

Nr. 5. Frítímatrygging með íþróttahættu.

Vátrygging þessi nær til slysa sem verða í frítíma hins vátryggða þ.á m. (þar á meðal) slysa er verða í keppni eða við æfingar til undirbúnings keppni í hvers konar íþróttum. Þó eru undanskilin slys er verða í fjallaklifri, bjargsigi, hnefaleikum, hvers konar glímu, akstursíþróttum, svifflugi, drekaflugi, fallhlífarstökki, froskköfun og teygjustökki. Slys sem verða í starfi eru algerlega undanþegin hvort sem um er að ræða launað starf eða arðbært starf í eigin þágu sem atvinnuslyshætta fylgir.

Nr. 6. Íþróttahætta - einstaklingar.

Vátrygging þessi nær eingöngu til slysa sem verða í keppni eða við æfingar til undirbúnings fyrir keppni í hvers konar íþróttum. Þó eru undanskilin slys er verða í fjallaklifri, bjargsigi, hnefaleikum, hvers konar glímu, akstursíþróttum, svifflugi, drekaflugi, fallhlífarstökki, froskköfun og teygjustökki.

Nr. 7. Íþróttahætta – meistaraflokkur í knattspyrnu.

Vátryggðir eru allt að 25 einstaklingar samkvæmt nafnalista. Vátryggingin nær einungis til slysa sem verða í keppni í meistaraflokki félagsins eða á æfingum þess. Þó eru einnig innifaldar hópferðir til keppni annars staðar en í heimabæ félagsins.

Nr. 8. Íþróttahætta – meistaraflokkur í handknattleik.

Vátryggðir eru allt að 16 einstaklingar samkvæmt nafnalista. Vátryggingin nær einungis til slysa sem verða í keppni í meistaraflokki félagsins eða á æfingum þess. Þó eru einnig innifaldar hópferðir til keppni annars staðar en í heimabæ félagsins.

Nr. 9. Rekstrarstöðvunartrygging vegna slysa eða sjúkdóma.

1. Þeir sem eru vátryggðir.

Vátryggingin tekur til þess einstaklings eða einstaklinga, sem getið er í vátryggingarskírteini.



340 Sjúkra- og slysatrygging

VÁTRYGGINGARSKILMÁLAR

2. **Aldurstakmörk.**
Þegar hinn vátryggði verður 65 ára fellur vátryggingin úr gildi við lok vátryggingarársins.
3. **Vátryggingarsvið.**
Félagið greiðir bætur ef stöðvun verður á rekstri vátryggðs vegna slyss eða sjúkdóms er hann verður fyrir. Slysið eða sjúkdómurinn verður að valda því að vátryggður verði með öllu óvinnufær og hafa í för með sér algera fjarvist hans af vinnustað á bótatímabilinu. Fyrir verður að liggja vottorð læknis um óvinnufærni vátryggðs.
4. **Tjón sem vátryggingin bætir.**
Félagið greiðir eftirfarandi tjón sem rekstrarstöðvunin hefur í för með sér:
 - a. vinnulaun sem vátryggðum ber að greiða á bótatímabilinu samkvæmt gildandi kjarasamningum þrátt fyrir stöðvun á rekstrinum,
 - b. fasta kostnaðarliði sem ekki falla niður þótt starfsemin stöðvist og fram koma í vátryggingarbeiðni.
5. **Takmarkanir á bótaskyldu.**
Vátryggingin bætir ekki tjón sem verður þegar hinn vátryggði verður óvinnufær að hluta, hlýtur varanlega örorku eða deyr af völdum slyss eða sjúkdóms.
6. **Bótauppgjör.**
Þegar bótaskyld tjón verður, skal vátryggingartaki láta félaginu í té öll gögn sem eðlilegt er að krefjast til að sannreyna bótakröfuna svo sem skattuppgjör, rekstraruppgjör, bókhaldsgögn og önnur skjöl sem upplýst geta um rekstrarafkomu vátryggðs.
7. **Skyldur vátryggðs þegar tjón verður.**
Vátryggðum ber að gera allt sem í hans valdi stendur til að koma í veg fyrir eða draga úr tjóni af völdum rekstrarstöðvunar og þannig draga úr afleiðingum sjúkdóms eða slyss. Farist það fyrir getur það haft í för með sér skerðingu bóta eða bótamissi.
8. **Bótatímabil.**
Bætur greiðast frá þeim degi sem vátryggði er talinn óvinnufær og þar til hann hefur endurheimt starfsorku sína. Þó ekki lengur en í þann hámarksbótatíma sem fram kemur í vátryggingarskírteini eða endurnýjunarkvittun að frádregnum biðtíma sem getið er í vátryggingarsamningi.
9. **Skilmálar sjúkra- og slysatryggingar.**
Það er skilyrði fyrir bótum úr vátryggingu þessari að vátryggingaratburður sé bótaskyldur úr sjúkra- og slysatryggingu vátryggðs. Að öðru leyti vísast til sjúkra- og slysatryggingarskilmála félagsins að svo miklu leyti sem þeir eiga við og ekki er vikið frá í þessum skilmálum.
10. **Lög um vátryggingarsamninga.**
Ákvæði laga um vátryggingarsamninga nr. 30/2004 gilda varðandi þau atriði, sem ekki eru ákvæði um í vátryggingaskilmálum þessum.



340 Sjúkra- og slysatrygging

VÁTRYGGINGARSKILMÁLAR